



Submisaun Konaba OJE TINAN 2021 ho OJE Tomak ho Tokon \$ 1,895

Ra'es Hadomi Timor Oan (RHTO) mak organizasaun nasional ema ho defisiénsia iha Timor-Leste, nune'e mos sai hanesan organizasaun membru ida, ho konstitua husi aprosimasaun membru 600 resin ne'ebe sai beneficiariu, kompostu husi ema ho tipu defisiensia oi-oin. RHTO servisu direktamente ho membru no familia ho defisiensia iha munisipiu 12 inklui RAEOA, iha area edukasaun, saúde, fila-liman hodi promove partisipasaun ema ho defisiensia iha komidade nia le'et. Iha parte seluk, RHTO mós asume kna'ar halo advokasia no promove direitu ema ho defisiensia liu husi hasa'e konsiensia hodi muda persepsaun ema nian hasoru ema ho defisiensia no influensia desijaun politika governu nian iha nivel lokal no nasional.

RHTO orijinalmente estabesidu iha 2006, rejistradu hanesan ONG ida iha Forum ONG Timor-Leste (FONGTIL) no formalmente legalijadu hanesan ONG ida hosi Ministeriu Justisa iha 2012. Desde 2006 to'o 2016, RHTO simu ona finansiamentu husi doador sira mak hanesan APIDS, TLMTL, CBM-Australia, DFAT, Oxfam-TL, Counterpart International, IFES, UNDP, TAF, Embaixada Amerika no Governu. RHTO agora iha aproximadamente funsionarius 48 (inkluindu 13 mak bazeada iha nivel munisipiu), sira ne'ebé mak involvidu iha implementasaun ba Projetu Nasional Konsiensia Defisiénsia. OXFAM kontinua suporta RHTO husi 2019 to'o 2020 hodi implementa Projetu Inkluzoan Defisiénsia ba Programa Open The Book. Projetu ne'e iha xavi objetivu **Transparansia no akuntabilidade no hare liu ba Orsamentu Jeral do Estadu(OJE) Halo advokasia no Monitorizasaun ba Programa Dezenvolvimentu Governu nian liliu ba assesibilidade ne'ebé amigavel ba ema hotu inklui ema ho Defisiensia, Partisipasaun no servisu públiku iha Timor-Leste.**

Atu aseguira partisipasaun ema ho defisiénsia nian iha programa dezenvolvimentu iha Timor-Leste, liu-liu ema ho defisiénsia sira bele komprende oinsa bele akompanha Programa Dezenvolvimentu Governu nian ne'ebé inkluzividade ba Partisipasaun Ema ho Defisiensia.

Relasiona ho Prioridade sira ne'ebe ho total 23% husi proposta orsamentu 2021 sei aloka ba Ministerius no instituisoens sira iha setor ha'at hanesan; Edukasaun, Saude, Be no Saniamentu no Obras públiku, ho nia distribuisaun 10% ba Edukasaun, 6% ba saude 0.7% ba Be'e no saneamentu no 7% Infrastrutura seluk (Obras Públiku).

Ami husi organizasaun Nasional ba ema ho defisiensia hakarak atu rekomenda deit katak implementasaun prioridade sira ne'ebe mak mensiona iha leten ne'e tenki uza Dezeñu Universal ba assesibilidade nian atu nu'une ema ho defisiensia mos bele assesu ba

investimentu no konstrusaun sira ne'e tamba durante ne'e husi rezultadu monitorizasaun ba obra sira laiha assesibilidade ba ema ho defisiensia ,iha obra balun iha assesibilidade maibe la tuir standar ba ema ho defisiensia atu assesu (ex: rezultadu monitorizasaun ne'ebe RHTO halo iha obra governu nian liuliu PNDS, assesibilidade iha maibe la tuir standar dezeńu universal ho nu'une mak ema ho defisiensia labele asesu, maibe tuir RHTO hatene iha Nasional PNDS sempre halo konsultasaun ho Organizasaun ba Ema ho Defisiensia (DPO) kona-ba padraun standar dezeńu universal maibe implementasaun iha kampu dalaruma sempre iha fallansu, tuir ami nia observa parese tekniku sira iha kampu mak ladun tau atensaun ba asuntu defisiensia. No mos ba estudu Viabilidade nian aprende mos Dezeńu universal liuliu assesibilidade atu nu'une bele sustentavel ba iha infrastrutura sira nu'une ema ho defisiensia mos bele asesu. Orsamentu Jeral Estadu (OJE) tenki sensivel no Responsive ba Ema ho Defisiensia atu bele goza masimu sira nia direitu hanesan mos sidadaun sira seluk.

Nomos Ministerio no secretariado ne'ebe enkaixa-an iha Planu Asaun Nasional ba Ema ho defisiensia presija tau orsamentu espesifiku ba ema ho defisiensia iha planu kada Ministerial no Secretariado atu bele tau iha pratika implementasaun hodi bele Inkluzividade duni no Responsive ba Ema ho defisiensia. Ministerio no Secretariado ne'ebe enkaixa-an iha Planu Asaun Nasional ba ema ho defisiensia mak hanesan: Ministerio Solidariedade Sosial no Inkluziun (MSSI), Ministerio Obras Publikas (MOP), Ministerio Transporte no Komunikasaun (MTK),Ministerio Edukasaun Juventude no Desportu,Ministerio de Saude, Ministerio de Justisa, Secretario estadu Juventude Desportu (SEJD),Sekretaria Estadu Komunikasaun Sosial (SEKOMS),Secretario Estadu Igualdade no Inkluziun (SEII) no Secretariado Estadu Formasaun Professional e Emprego (SEFOPE).

Edukasaun inkluzivu tenke iha formasaun ba profesor sira hosi nasional to'o area remotas kona ba edukasaun inkluzivu hodi nune'e professor sira bele intende didiak kona ba inkluzividade nune'e labele hamósu diskriminasaun ba maluk defisiénsia sira. Ba ema ho defisiensia matan iha 2021 prioridade liu maka presija iha mákina imprimi letra Braille, no matrial Braille nian ajuda formador hodi fasilita formantes sira ho diak. Implementasaun edukasaun inkluzivu tenke hahú hosi ensinu basiku to'o eskundaria tamba durante ne'e ensinu sukundaria seidauk. Miniteriu Obras públiku Dezeńu ba konstusaun sira tenke tuir padraun international ka universal.Ministeriu saúde: atendumtu ba ema ho defisiénsia tenke inkluzivu, form asaun ba pesoal saúde sira konaba lian jestual no letra Braille hodi atende ba maluk defisiénsia matan no kommunikasaun sira; sentru rehabilitasaun ba moras mental presija aumenta iha muisipiu seluk. Ministeriu agrikultura: familia ema ho defisiénsia sira mós presija formasaun konaba ba agrikula hodi hakbiit ekonomia familia, husu fasilita fini.